

- كستينو: مَنك قليل. مزبَط مواعيدك عَ مواعيد الكرا الأرضيِّ وفيك تلحَق عَ تَنين بزات النهار؟

- برنار : اليوم السبت، شواز. بالإيام العاديِّ يَتناوبو ورا بعضن وما حدا بياخذ حصّة حدا. يومين جانيت، يومين جاكلين ويومين لجوديت الألمانيِّ. جسما سمفونيِّ بخمس حركات، فَشَر موزار ويتهوفن يكونو سنفنو أحلا منا.

- كستينو: يا ملعون: فاتح حَرَم International

- برنار : exactement

بياخذ الخارطا ويفتتحا

رح خَلِيك تشوف بعينك: الليلي جوديت الألمانيِّ بتوصل عَ ستوكهولم. بزات الوقت، جاكلين الرح تطير بعد الظهر لأنّا مارقا ترانزيت، بتكون صارت بالقاهرا. وجانيت بنيويورك أو سان فرنسيسكو. شفت الحَرَم كيف ماشي

- كستينو: يعني. روح وتعا ليل نهار.

- برنار: صيف شتي؟ ومش كيف ما كان. منظم عَ الأرض وبالسما. مزبَط عَ الساعا والدقيقا. خطيبي بتغطّ وخطيبي بتطير عَ التوقيت المحليّ اللّي درسوه إختصاصيين ببرمة الأرض وبرمة الساعا. الأرض بتبرم ونسواني بيبرمو حول الأرض. تنين بيبرمو بالفلا والتالتي بتبرم بين إيديك متل ما الله خلق. شراب تافلّك شراب... وكلّ مرا بتفكّر حالا بيتا. مع إنّا ما بتجي عل بيت إلا يومين من سبعا. ومش بس بغير ثلاث مرّات بالجمعا، مرتاح من المونوتوني ع التخت وع السفرا. كلّ مرا بدوفا وبدوفا متل ما هيبي بتحب. وحتى تحسّ إنّا بيتا بطبخلا طبخ بلادا. كيف شفت؟

- كستينو: شفت إنّو الشيطان بزاتو ما بيطلع تلميز عندك

- برنار: يعني إقتنعت

- كستينو: ت نقول اقتنعت. بس وين بدّي لاقى ثلاث نسوان بيتاكلو ع الشعب

- برنار: القصا بسيطا كثير

- كستينو: بتعرف شي مكتب بيضمّن نسوان أو متكل ع الصدفي؟

- برنار: عندي صديق بيعع أرتيزانا وأنتيكا. كل المضيفات بيمرقو يشترى من عندو. بيعرفن عن الغايب، لحدّ إنّ صارو بيفتحولو قلبن ويوحو بأسراؤن: اللّي ضجراني من حالا، اللّي جسمها عم يرهاها وبدو حكّ، اللّي جسمها مشتهي يفلت ومش قادرا تلجمو. المش عارفي شو بدّا. العارفي منيح ومستحيّي تقول.

- كستينو: أو بدّا حدا تقلّو. عندو ع طول؟

- برنار: يومّي بيمرق لعندو عشرين مضيّفي. هوّي بيعرفني عليّن وأنا بنقي... نسينا اللّي محموشي معا.

- كستينو: قولك عندو شي بولونيّي متل ما بفكرك؟

- برنار: يا ملعون. هياتك بتحبّ البولونيات. إذا بدك عرفك عليه، أنا حاضر.